

# 卷十三

書名 春秋左傳註疏六十卷  
 撰者 晉 杜預 注, 唐 陸德明 音義, 唐 孔穎達 疏  
 卷 卷十三  
 內容分類 經 春秋- 春秋左傳 唐  
 索書號 經部- 彙刻- 1  
 編號 A 297500

[彩色首頁1](#)

[東洋文化研究所漢籍目錄 編號: A 297500](#)

[東洋文化研究所漢籍目錄所藏漢籍善本文影像資料庫 索書號: 經部- 彙刻- 1](#)

[漢籍善本文影像資料庫文本春秋左傳註疏六十卷](#)

版權所有: [東京大學](#) [東洋文化研究所](#)

[使用上的注意事項](#)

## 春秋左傳註疏卷第一

晉杜氏註

唐孔穎達疏

### 春秋序

○陸曰此元凱所作既以釋經故依例音

釋例序之本或題為春秋左傳序者沈文何以爲  
 今不用疏正義曰此序題目文多不同或云春  
 集解序或云春秋左氏傳序按晉宋古本及今  
 定本並云春秋左氏傳序今依用之南人多云  
 此本釋例序後人移之於此且有題曰春秋釋  
 例序置之釋例之端今所不用晉太尉劉寔與  
 杜同時人也宋大學博士賀道養去杜亦近俱  
 爲此序作註題並不言釋例序明非釋例序也  
 又晉宋古本序在集解之端徐邈以晉世言五  
 經音訓爲此序作音且此序稱分年相附隨而

春秋左傳註疏卷第十二終

春秋左傳註疏卷第十三

僖六年盡十四年

晉杜氏註

唐孔穎達疏

經六年春王正月

夏公會齊侯宋公陳侯衛侯曹伯伐鄭圍新城

鄭新密今滎陽密縣

秋楚人圍許

楚子不親圍以圍者告諸侯遂救許

冬公至自伐鄭

無傳

公至自伐鄭。正義曰二十八年公會晉侯云云于溫諸

侯遂圍許二十九年公至自圍許此年會伐鄭遂救許不稱至自救許而云至自伐鄭與溫會反者釋例曰諸若此類事勢相接或以始致或以終致蓋時史之與也此事當由公至自告廟所告不同史依告而書不為義例

傳六年春晉侯使賈華伐屈夷吾不能守盟而行

賈華晉大夫非不欲效力不能守言不如重耳之賢

將奔狄卻芮曰後出同走罪也嫌與重耳同謀而

相隨卸去逆反不如之梁梁近秦而幸焉乃之梁

以梁為秦所親幸秦既大國且穆姬在焉故欲因

以求入近附○夏諸侯伐鄭以其逃首止之盟故

也首止盟在五年圍新密鄭所以不時城也

新密而經言新城者鄭以非時興土功齊桓聲其罪

以告諸侯實新至諸侯○正義曰密是邑名鄭

言圍新城傳云鄭所以不時城也解經言新城之意

鄭以非時築城違禮害民齊桓聲其罪以告諸侯故

書新城以新城為鄭之罪狀劉炫云先王之制諸侯

無故不造城造城則攻其所造司馬法曰產城攻其

所產是也○秋楚子圍許以救鄭諸侯救許乃還○冬蔡

穆侯將許僖公以見楚子於武城楚子退舍武城

猶有忿志而諸侯各罷兵故蔡將許君歸楚武城楚

地在南陽宛縣北見賢徧反罷皮罵反許男面縛

銜璧大夫衰經士與櫬縛手於後唯見其面以璧

為贄手縛故銜之櫬棺也將受死故衰經衰七雷反經直結

反註同櫬初覲反贄音至一音置如字縛如字舊扶臥反楚子問諸逢伯逢伯

楚大夫對曰咎武王克殷微子啓如是微子啓紂

庶兄宋之祖也微子至祖也。正義曰案宋世

帝紂之庶兄周武王克殷微子乃持其祭器造於軍

門肉袒面縛左牽羊右把茅膝行而前以告於是武

王乃釋微子復其位成王誅武庚乃命微子代殷之

後國於宋史記之言多有錯謬微子手縛於後故以

口銜璧又焉得牽羊把茅也此皆馬遷之妄也武王親釋其縛受其璧而祓

之祓除凶之禮。祓芳弗反又音廢。祓除凶

說文云除惡之祭也。之禮。正

義曰周禮女巫掌歲時祓除謂之祓除明是除凶之

禮也襄二十九年稱公臨喪使巫以桃茷先祓殯此

亦當以桃茷祓之焚其櫬禮而命之使復其所楚子從之

經七年春齊人伐鄭

夏小邾子來朝無傳邾犁來始得王命而來朝也邾

之別封故曰小邾

鄭殺其大夫申侯申侯鄭卿專利而不厭故稱名以

殺罪之也例在文六年厭於鹽反傳同

秋七月公會齊侯宋公陳世子款鄭世子華盟于甯母

高平方與縣東有泥母亭音如甯。母如字又音

春秋左傳卷之三 三

與音豫泥乃麗反  
又音甯王奴兮反

曹伯班卒無傳五年同盟于首止

公子友如齊無傳罷盟而聘謝不敏也

冬葬曹昭公無傳

傳七年春齊人伐鄭孔叔言於鄭伯曰諺有之曰心


則不競何憚於病競強也憚難也乃旦反下及八

年經傳心則至於病○正義曰競強也言心則不

並同能強盛則當須屈服於人何得難於屈弱

之病而既不能彊又不能弱所以斃也國危矣請下

齊以救國公曰吾知其所由來矣吾知其所由來



叔既請鄭伯下齊公初欲下齊不知何事而來得說  
於齊後更云吾知其說齊所由來矣謂內殺申侯說  
齊之事姑少待我欲以申侯說○下戶對曰朝不

及夕何以待君如字○夏鄭殺申侯以說于齊且用

陳轅濤塗之譖也濤塗譖在五年初申侯申出也

姊妹之子為出有寵於楚文王文王將死與之璧

使行曰唯我知女女專利而不厭予取予求不女疵

瑕也從我取從我求不以女為罪○女音汝下

反又疾移反後之人將求多於女謂嗣君也求

多以禮義大望責之女必不免我死女必速行無適

小國將不女容焉

**註**政狹法峻

音狹

既葬出奔鄭又

有寵於厲公子文聞其死也曰古人有言曰知臣莫

若君弗可改也已○秋盟于甯母謀鄭故也管仲言

於齊侯曰臣聞之招攜以禮懷遠以德

禮不易無人不懷齊侯修禮於諸侯諸侯官受方物

**註**諸侯官司各於齊受其方所當貢天子之物

侯至之物正義曰周禮大行人云侯服貢祀物甸服貢嬪物男服貢器物采服貢服物衛服貢材物要服貢貨物鄭玄云祀貢者犧牲之屬嬪物絲枲也器

物尊彝之屬服物玄纁絺纈也材物入材也貨物龜貝也如彼禮文諸侯所貢之物皆以服數為差尚書禹貢任土作貢皆貢土地所生不計路之遠近然則

周禮雖依服數亦貢土地所生不宜遠求他方之物以貢王也王室盛明之時每國貢有常職天子既尊諸侯情慢貢賦之事無復定準故霸王總帥諸侯尊崇天子量其國之大小號令所出之物傳言諸侯各使官司取齊約束受其方所當貢天子之物言其一聽齊令美齊侯能以禮服諸侯鄭伯使大子華聽命於會言於齊侯曰洩氏孔氏子人氏三族實違君命

**註**三族鄭大夫

洩息列反若君去之以為成

我以鄭為內臣君亦無所不利焉

內臣去起呂反齊侯將許之管仲曰君以禮與信屬諸

侯而以姦終之無乃不可乎子父不好之謂禮守命

共時之謂信

**註**守君命共時事

奸音干共音恭註同違此二

事水火

卷之三

及姑

者姦莫大焉公曰諸侯有討於鄭未捷今苟有覺從之不亦可乎子華犯少命是其覺隙。隙去。對曰

君若綏之以德加之以訓辭而帥諸侯以討鄭鄭將覆亡之不暇豈敢不懼若總其罪人以臨之總將

領也子華奸父之命即罪人覆芳。服反鄭有辭矣何懼

**以**以大義為辭且夫合諸侯以崇德也會而列姦何

**以示後嗣**列姦用子華。正義。曰經書齊侯宋公陳世子款鄭世子華盟于甯母則已列於會矣管仲方云會而列姦何以示後嗣者桓公列之於會直是列其身耳管仲言列姦者謂將用其姦謀故杜云列姦用子華也不受子華之請即是會不列姦他國無事可

記齊史無所不隱故下句言他國記姦則廢君盟齊史隱諱則損盛德也夫諸侯之會其德刑禮義無國不記記姦之位位會位也子華為姦人而列在會位將為諸侯所記君盟替矣。替廢也。替他。計反作而不記非盛德也君舉必書雖復齊史隱諱亦損盛德。復扶。又反君其勿許鄭必受盟夫子

華既為天子而求介於大國以弱其國亦必不免介因也。介音界鄭有叔詹堵叔師叔三良為政未可間也齊侯辭焉子華由是得罪於鄭冬鄭伯使請盟于齊以齊侯不聽子華故。堵丁古反又音者間間廁之間○閏月

春秋左傳



惠王崩襄王惡大叔帶之難襄王惠王太子鄭也

大叔帶襄王弟惠后之子也有寵於惠后惠后欲立

之未及而卒惡鳥路反大音泰叔又作州懼不立不發喪而告難

于齊為八年盟泚傳泚他

經八年春王正月公會王人齊侯宋公衛侯許男曹伯

陳世子款盟于泚王人與諸侯盟不譏者王室有

難故泚曹地王人至曹地正義曰公羊傳曰

命也穀梁傳曰王人之先諸侯何也貴王命也弁冕

雖舊必加於首周室雖衰必先諸侯釋例以為中士

稱名下士稱人此言王人是天子之下士也諸侯相

與為盟所以同獎王室天子之臣不與諸侯同盟釋

例曰未有臣而盟君臣而盟君是子可盟父故春秋

王世子以下會諸侯者皆同會而不同盟是言王臣

正法不與諸侯盟也二十八年踐土之盟傳稱王子

虎盟諸侯于王庭杜云王子虎臨盟不同歆故不書

宣七年傳曰諸侯盟于黑壤王叔桓公臨之以謀不

睦杜云王叔桓公銜天子之命以監臨諸侯不同歆

尊卑之別也哀十三年傳曰公會單平公晉定公吳

夫差于黃池杜云平公周卿士也不書尊之不與會

此三者王臣皆不與盟是其正法然也若天子初立

王室不安命臣使結盟諸侯以安王室雖非正法事


勢宜然既無衰美又無貶責此王人與諸侯盟不譏

者王室有難王敕使來盟故也文十年及蘇子盟于

女栗傳曰頃王立故也襄三年公會單子晉侯云云

盟于雞澤杜云周靈王新即位使王官伯出與諸侯

盟以安王室皆事與此同以情義可許故都無貶書





與不譏皆鄭伯乞盟新服未與會故不序列別言

乞盟與音新服至乞盟正義曰鄭伯往年

之請故今始服從齊桓以其新服尚未與之會故不

序列而別言乞盟止言乞盟不知與盟以否傳稱鄭

伯乞盟請服也既言請服義無不受當是既盟之後

而別與之盟諸言乞師皆乞得其師知此乞盟亦乞

得其盟但盟理可見不復別言盟耳

夏狄伐晉

秋七月禘于大廟用致夫人禘三年大祭之名大廟

周公廟致者致新死之主於廟而列之昭穆夫人淫

而與殺不薨於寢於禮不應致故僖公疑其禮歷三

禘今果行之嫌異常故書之大音泰禘三至

義曰釋天云禘大祭也言其大於四時之祭故為三

年大祭之名言每積三年而一為此祭也大廟廟之

大者故為周公廟釋例曰三年喪畢致新死之主以

進於廟廟之遠主當遷入祧於是乃大祭於大廟以

審定昭穆謂之禘是說致者致新死之主於廟而列

之昭穆也此致致哀姜也哀姜薨已多年非復新死

而於今始致者傳發凡例夫人不薨于寢則不致哀

姜例不應致故僖公疑其禮喪畢之日不作禘祭之

禮以致之既不為哀姜作喪畢禘祭其禘自從閔公

數之二年除閔喪為禘至五年復禘今八年復禘姜

死以來已歷三禘今因禘祭果復行之三年一禘禘

自是常不為夫人禘祭因禘而致夫人嫌其異於常

禮故史官書之若其不致夫人則此禘得常不書為用致夫人而書之耳

冬十有二月丁未天王崩

實以前年閏月崩以今年

十二月丁未告

傳八年春盟于洮謀王室也鄭伯乞盟請服也襄王

定位而後發喪王人會洮還而後王定位○晉里

克帥師梁由靡御虢射為右以敗狄于采桑傳言

前年事也平陽北屈縣西南有采桑津射食亦反梁由

靡曰狄無恥從之必大克不恥走故可逐里克曰

懼之而已無速眾狄恐怨深而羣黨來報虢射曰

期年狄必至示之弱矣期音基本或作暮注同○夏狄伐晉報

采桑之役也復期月明期年之言○秋禘而致哀

姜焉非禮也凡夫人不薨于寢不殯于廟不赴于同

不祔于姑則弗致也寢小寢同同盟將葬又不以

殯過廟據經哀姜薨葬之文則為殯廟赴同祔姑今

當以不薨于寢不得致也音附凡夫至致也○正

禮有赴同祔姑反哭三事而已此說致之禮加以薨

寢殯廟而不言反哭者蓋以致於廟者終始成其尊

死生之禮畢不薨于寢死不得其所也不殯于廟葬

之不以禮也死葬非禮則先神恥之故不具四事皆

不合致反哭者直為書葬以否假使不書其葬夫人

之禮亦成自是生者之可譏非為死者之有失雖不

寢謂卒於夫人之大寢對君路寢為小故云小寢也  
 同者同盟之國也檀弓曰喪之朝也順死者之孝心  
 也其哀離其室也故至於祖考之廟而後行殷朝而  
 殯於祖周朝而遂葬士喪禮朝而遂葬與記正同知  
 周法不殯於廟而此傳及襄四年皆云不殯于廟以  
 為失禮知其將葬之時不以殯過廟耳殯過廟者將  
 葬之時從殯宮出告廟乃葬非是殯尸於廟中也據  
 經哀姜薨葬之文知其赴同柩姑可矣亦知其殯於  
 廟者以元年十二月喪至一年五月始葬明至則殯  
 於寢也既殯於寢自然葬當朝廟故據葬文亦知殯  
 廟唯當以不薨  
 於寢不得致耳 ○冬王人來告喪難故也是以緩

有大叔帶之難 ○宋公疾大子茲父固請曰目夷長

且仁君其立之

也 ○父音甫 公命子魚子魚辭曰能以國讓仁孰大

長丁丈反

焉臣不及也且又不順 立庶不順禮遂走而退

經九年春王三月丁丑宋公御說卒 四同盟 ○御魚

音悅 六年盟于幽十九年于郟二十七年于幽僖元

年于榿四年于召陵五年于首止七年于甯母八年  
 于洮皆魯宋俱在是為八同盟不數莊公之盟榿盟  
 經不書亦不數故云四同盟劉君乃數莊公  
 之盟又不數召陵以為六同盟而規杜非也

夏公會宰周公齊侯宋子衛侯鄭伯許男曹伯于葵丘

周公宰孔也宰官周采地天子三公不字宋子襄

公也傳例曰在喪公侯曰子陳畱外黃縣東有葵丘

昨知周公即宰孔也其官為大宰采地名為周天


春秋左傳 卷之三 十 設古閣

子三公故稱公孔則其名也穀梁傳曰天子之宰通於四海其意言宰者六官之長官名通於海內是故書其官名也通于四海者當謂大宰之長官耳其屬官不應得通而宰恒宰渠伯糾則必非長官亦稱為宰者蓋自宰夫以上皆通也釋例曰今案春秋以考之其稱公者皆三公非五等之公也是言祭公周公皆三公也釋例又曰王之公卿皆書爵則卿亦不字杜云三公不字者以入春秋以來家父南季皆大夫稱字宰周公又承其後故云不字不於祭公逆王后註者因歷序諸國而言之莊八年傳曰連稱管至父成葵丘杜云齊地臨淄縣西有地名葵丘與彼異者傳稱齊侯不務德而勤遠畧西為此會則此地遠處齊西不得近在臨淄故釋例以為宋地陳畱外黃縣東有葵丘或曰河東汾陰縣為葵丘非也經書夏會葵丘九月乃盟晉為地主無緣欲會而不及盟也是說不同之意

秋七月乙酉伯姬卒

**註**

無傳公羊穀梁曰未適人故不



稱國已許嫁則以成人之禮書不復殤也婦人許嫁

而笄猶丈夫之冠

復扶又反殤式羊反笄古今反冠古喚反

**註**公羊

○正義曰公羊傳曰此未適人何以卒許嫁矣婦人許嫁字而笄之死則以成人之喪治之穀梁傳意亦與之同嫁於大夫死不書卒此許嫁者嫁於國君也但未往彼國不成彼國之婦故不稱國也喪服小記曰男子冠而婦人笄其義一也是許嫁而笄猶丈夫之冠也禮男子冠而不為殤婦人笄而不為殤故以成人之喪治之為之服成人之服禮姊妹在室期出嫁大功檀弓曰姑姊妹之薄也蓋有受我而厚之者為夫厚之故我降之也曾子問云取女有吉日而女死如之何孔子曰壻齊衰而弔既葬而除之其夫不為服則兄弟不為降禮諸侯絕旁期此為將嫁於諸侯故書其卒既書其卒當服其本服為之齊衰期也但於時服否不可知耳

九月戊辰諸侯盟于葵丘夏會葵丘次伯姬卒文不

相比故重言諸侯宰孔先歸不與盟直用反與音預

**○**夏會至與盟正義曰平丘會後即盟不言諸

**○**侯為間無與事故也此亦會後為盟間有伯姬卒

盟會文不相比故重言諸侯又傳稱宰孔先歸則宰

卒亦當重言諸侯

甲子晉侯詭諸卒未同盟而赴以名甲子九月十一

日戊辰十五日也書在盟後從赴○詭九

○正義曰甲子在戊辰之前而書在盟後從赴從赴

者赴在盟後也春秋之世史失其守赴告之文多違

禮制計諸侯之薨當具以薨之月日告於鄰國隱二

年傳曰壬戌平王崩赴以庚戌故書之是赴者妄稱

日也襄二十八年傳曰王人來告喪問崩日以甲子

告故書之是元赴不以日被問乃稱日也文十四年

傳曰七月乙卯夜齊商人弑舍齊人定懿公使來告

難故書以九月是赴者不言死月魯史不復審問即

書以來告之月也此甲子晉侯卒蓋赴以口而不以

月魯史不復審問書其來告之日唯稱甲子而已不

知甲子是何月之日故在戊辰後也若赴以九月告

魯魯史當推其日之先後不得甲子在戊辰後也明


告不以月故書其日耳

冬晉里克殺其君之子奚齊獻公未葬奚齊未成君

故稱君之子奚齊受命繼位無罪故里克稱名○殺

傳同公如字

傳九年春宋桓公卒未葬而襄公會諸侯故曰子凡



在喪王曰小童公侯曰子註在喪未葬也小童者童

蒙幼穉之稱子者繼父之辭公侯位尊上連王者下

絕伯子男周康王在喪稱予一人釗禮稱亦不言小

童或所稱之辭各有所施此謂王自稱之辭非諸夏

所得書故經無其事傳通取舊典之文以事相接稱

尺證反釗古註在喪至相接○正義曰既言桓公

堯反又音昭註未葬即發在喪之例知其未葬謂未

葬也童者未冠之名童而又小故為童蒙幼穉之稱

易蒙卦云匪我求童蒙童蒙求我蒙謂闇暗也幼童

於事多闇昧是以謂之童蒙焉曲禮曰夫人自稱於

其君曰小童鄭玄云小童若云未成人也王崩未葬

嗣王自稱亦言已未成人也子者對父之名故云繫

父之辭以未成君故繫於父不忍絕之稱也諸侯爵

有五等唯言公侯曰子以公侯尊也傳稱在禮卿不

會公侯會伯子男可也又子產云鄭伯男也使從公

侯之貢懼弗給也是公侯之尊絕於伯子男也此既


言王即云公侯是其與王相連特為公侯立稱伯子

男不得同之也春秋無伯子男在喪之事既不為之

稱又不得成君不知其當何所稱也然按桓十一年


鄭忽出奔衛莊二十四年曹羈出奔陳杜云先君既

葬不稱爵者國人賤之以名赴則既葬稱爵未葬稱



類相接耳非言小童是策書之例也釋例郊雩烝嘗  
 例不云地祇及祔祠者經無其事故傳畧而不言此  
 王者小童亦經無其事所以言之者郊雩例多故經  
 無者畧之此王曰小童與公侯相接其文簡約經雖  
 無事亦連而言之釋例曰位彌高者事彌重重慮周  
 於經遠故儀制與於凡人存其實篤其志足以敘親  
 疎之情通萬事之理而已故諸列國之君在喪或不  
 得已而修會盟之事唯公侯特稱子以別尊卑是言  
 獨為公侯立稱之意春秋公侯稱子皆是其父未葬  
 唯二十五年公會衛子莒慶盟于洮於時衛文公已  
 葬而成公稱子釋例曰衛文公欲平莒於魯未終而  
 薨故衛子尋父之志魯人由此亦修文公之好此孝  
 子之至感人情之所篤故成公雖已免喪至於此盟  
 降從在喪之名故經隨而書子傳從而釋之云修文  
 公之好也○夏會于葵丘尋盟且修好禮也○好呼報反  
 下于好并註

同王使宰孔賜齊侯胾胾祭肉尊之比二王後胾



才素胾祭至王後正義曰傳稱太子祭于曲沃歸胾于公此天子有事于文武賜齊侯以胾知胾是祭肉也周禮大宗伯以胾膳之禮親兄弟之國鄭玄云胾膳社稷宗廟之肉以賜同姓之國同福祿也胾膳即胾肉也言親兄弟之國則與姓不合賜也二十四年傳曰宋先代之後也於周為客天子有事膳焉是言二王之後禮合得之今賜齊侯是尊之比二王後也曰天子有事于文

武有祭事也使孔賜伯舅胾天子謂與姓諸侯

曰伯舅天子至伯舅正義曰曲禮曰五官之長曰伯天子同姓謂之伯父與姓謂之伯

舅鄭玄云謂為三公者周禮九命作伯齊桓是也命之伯故以伯舅呼之齊侯將下拜孔

曰且有後命天子使孔曰以伯舅耆老加勞賜一級

無下拜七十曰耆級等也○耆田節反一音他結反勞力報反級音急

**禮**七十曰耆級等也。正義曰釋言云耆老也舍人云年六十稱也郭璞云八十為耆釋名云八十曰耆耆鐵也皮黑如鐵彼說或云六十或云八十杜云七十曰耆者耆之年齒既無明文曲禮云七十曰老爾雅以耆為老故以為七十曲禮升階之法云涉級聚足是級為等也法當下拜賜之勿下是進一級

**對曰天威不遠顏咫尺****禮**言天鑒察不遠威嚴常在

顏面之前八寸曰咫。**禮**言天至曰咫。正氏反。**禮**言天至曰咫。正方言云顏額謂額也中夏謂之額東齊謂之顙河穎淮泗之間謂之顏魯語云肅慎氏貢楛矢長尺有咫賈逵亦云八寸曰咫說文云周制寸尺咫尋皆以人之體為法中婦人手長八寸謂之咫周尺也


**白余敢貪天子之命無下拜****禮**小白齊侯名余身也

**禮**小白至身也。正義曰諸自稱余者當稱名之處耳齊侯既稱小白而復言余故解之余身釋詁

文舍人曰余卑謙之身也孫炎曰余舒遲之身也郭璞曰今人亦自呼為身

**恐隕越于下**

**禮**隕越顛墜也據天王居上故言恐顛墜于下直類



反丁以遺天子羞敢不下拜下拜登受**禮**自堂下受

昨於堂上。遺于季反。**禮**下拜登受。正義曰觀禮天子命書于其上升自西階東面太史氏右侯氏升西面立太史述命侯氏降兩階之間北面再拜稽首升成拜彼侯氏降階再拜是此登受

**禮**秋齊侯盟諸侯于葵丘下拜也升成拜是此登受

**曰凡我同盟之人既盟之後言歸于好****禮**義取修好

故傳顯其盟辭宰孔先歸**禮**既會先諸侯去侯悉薦

反遇晉侯曰可無會也**禮**晉侯欲求會葵丘齊侯不



務德而勤遠畧故北伐山戎在莊三十一年南伐

楚在四年西爲此會也東畧之不知西則否矣

言復向東必不能復西畧復扶又反其在亂乎君

務靖亂無勤於行在存也微戒獻公言晉將有亂

晉侯乃還不復會齊○九月晉獻公卒里克平鄭

欲納文公故以三公子之徒作亂平鄭晉大夫三

公子申生重耳夷吾平普悲反初獻公使荀息傅奚齊

公疾召之曰以是藐諸孤言其幼賤與諸子縣藐

藐妙小反又言其至縣藐○正義曰藐者縣

亡角反縣音玄遠之言諸子皆長而奚齊獨幼是

小大相去縣藐也藐諸孤者言辱在大夫其若之何

年既幼穉縣藐於諸子之孤

欲屈辱荀息使保護之稽首而對曰臣竭其股肱

之力加之以忠貞其濟君之靈也不濟則以死繼之

公曰何謂忠貞對曰公家之利知無不爲忠也送往


事居耦俱無猜貞也往死者居生者耦兩也送死

事生兩無猜恨所謂正也及里克將殺奚

齊先告荀息曰三怨將作三公子之徒秦晉輔之

子將何如荀息曰將死之里克曰無益也荀叔曰吾

與先君言矣不可以貳能欲復言而愛身乎荀叔



荀息也復言言可復也能欲復言而愛身乎。正義曰意能欲使前言可反

復而行之得愛雖無益也將焉辟之且人之欲善誰

不如我我欲無貳而能謂人已乎言不能止里克

使不忠於申生等焉於虔反下文焉能克同○冬十月里克殺


奚齊于次次喪寢書曰殺其君之子未葬也荀息

將死之人曰不如立卓子而輔之荀息立公子卓以

葬十一月里克殺公子卓于朝荀息死之君子曰詩

所謂白圭之玷尚可磨也斯言之玷不可為也詩

大雅言此言之缺難治甚於白圭玷丁簞反又荀



息有焉有此詩人重言之義○齊侯以諸侯之師

伐晉及高梁而還討晉亂也高梁晉地在平陽縣

西南令不及魯故不書前已發不書例今復重發

嫌霸者異於凡諸侯令力政反本又作命復扶又反重直用反○晉卻

芮使夷吾重賂秦以求入卻芮卻克祖父從夷吾

者從才曰人實有國我何愛焉言國非已之有

何愛而不以賂秦入而能民土於何有從之能得

民不患無土齊隰朋帥師會秦師納晉惠公隰朋

齊大夫惠公夷吾隰音習秦伯謂卻芮曰公子誰恃對

曰臣聞亡人無黨有黨必有讎言夷吾無黨無黨

則無讎易出易入以微勸秦易竝

秦伯問公子誰待問公子於晉國之臣倚恃誰為內

主也對言夷吾無黨無讎者由無黨故往前易出無

讎故此時易入言易出夷吾弱不好弄弄戲也

呼報能鬪不過有節制長亦不改不識其他公謂

公孫枝曰夷吾其定乎公孫枝秦大夫子桑也

對曰臣聞之唯則定國詩曰不識不知順帝之

則文王之謂也詩大雅帝天也則法也言文王闇

行自然合天之法又曰不僭不賊鮮不為則僭過

差也賊傷害也皆忌克也能不然則可為人法則僭

同鮮息淺反無好無惡不忌不克之謂也今其言多

忌克既僭而賊如字惡鳥路反難哉言能自定

難公曰忌則多怨又焉能克是吾利也其言雖多

忌適足以自害不能勝人也秦伯慮其還害已故曰

是吾利唯則至利也正義曰唯身有則者乃能


知今事常順天之法則而行之為此行者文王之謂

也又曰人行不僭差不賊善能如此者少不為人

法則言必為人所法則也此二詩所云者無所偏好

無所私惡不為忌差不好勝人之謂也今其此夷吾

之言多有忌多欲陵人以此而求安定難哉今其



者以身行忌克則有私好私惡之心舉忌克足以包好惡也公曰多忌於人則多為人怨又焉能勝人此乃是吾之利也無好無惡言文王之行也不忌不克述抑篇之義也引三詩於前以此言結之○詩大至之法○正義曰詩大雅皇矣之篇也則法釋詁文彼鄭箋云其為人不知今順天之法而行之是言闇行自然合天地之法也禮記稱天無私覆地無私載合天地法者即無偏好無私惡之謂也○僭過至法則○正義曰詩大雅抑之篇也彼毛傳云僭差也鄭玄云不殘賊是賊為害也心有所忌則多過差志在陵人必多為賊害下云不忌不克覆述此文故言僭賊者皆忌克也○其言至吾利○正義曰心忌前人則人亦忌已志在陵人則人亦陵已若使人皆忌之人皆陵之是適足以自害不能勝人也秦伯聞其忌克慮其還來害已故以不能勝人為是吾利也○宋襄公即位以公子目夷為仁使為左師以聽政於是宋治故魚氏世

為左師○治直 吏反

經十年春王正月公如齊無傳

狄滅溫溫子奔衛蓋中國之狄滅而居其土地

晉里克弒其君卓及其大夫荀息弒卓在前年而以

今春書者從赴也獻公既葬卓以免喪故稱君也荀

息稱名者雖欲復言本無遠謀從君於昏弒卓至於昏

○正義曰傳於前年甚詳經以今年書之明赴以今年弒也傳稱立公子卓以葬是免喪始死故稱君也文七年宋人殺其大夫傳曰不稱名眾也且言非其罪也死者不稱名非其罪故知稱名者皆有罪也荀息稱名者不知奚齊卓子之不可立又不能誅里克以存君是其雖欲復言本無遠謀也襄十九年齊殺

其大夫高厚傳稱從君於昏獻公惑於驪姬殺適立庶荀息知其事而為之傅奚齊是其從君於昏也  
**夏齊侯許男伐北戎**無傳非戎山戎


**晉殺其大夫里克**奚齊者先君所命卓子又以在國嗣位罪未為無道而里克親為三怨之主累弑二君故稱名以罪之

奚齊至罪之。正義曰宣四年傳例曰弑君稱君君無道也稱臣

臣之罪也里克殺奚齊弑卓子皆書里克之名是奚齊與卓子未為無道也殺大夫傳言不稱名者為無罪則稱名為有罪故今稱里克之名以罪之

秋七月

**冬大雨雪**無傳平地尺為大雪  
○雨工付反



**傳十年春秋滅溫蘇子無信也蘇子叛王即狄又不**  
**能於狄狄人伐之王不救故滅蘇子奔衛**蘇子周

司寇蘇公之後也國於溫故曰溫子叛王事在莊十

九年**蘇子**蘇子至九年。正義曰尚書立政云司寇蘇公成十一年傳曰咎周克商蘇忿生以溫為司寇以此知蘇子奔寇蘇公之後也國名為蘇所都之邑名為溫故溫蘇遮見於經是得兩稱故也

**夏四月周公忌父王子黨會齊隰朋立晉侯**周

公忌父周卿士王子黨周大夫晉侯殺里克以說

自解說不篡○篡初患反**將殺里克公使謂之曰微子則**

**不及此雖然子弑二君與一大夫為子君者不亦難**

乎對曰不有廢也君何以興欲加之罪其無辭乎

言欲加已罪不患無辭欲加至辭乎。正義曰言君今欲加臣之罪其畏無

辭以罪臣乎言必方便有辭耳臣聞命矣伏劍而死於是平鄭聘于

秦且謝緩賂故不及平鄭里克黨以在秦故不及

里克俱死○晉侯改葬其大子英大子申生也。英


音恭本亦作秋狐突適下國下國曲沃新城

恭大音泰國曲沃新城○正義曰曲沃邑也而稱國者晉昭侯

嘗以此邑封桓叔桓叔國之三世武公始并晉國遷

居而就之此曲沃晉之舊國故謂之為下國也遇大子大子使登僕忽如

夢而相見狐突本為申生御故復使登車為僕扶又



反下文而告之曰夷吾無禮夷吾無禮。正義曰

及註同人賈君故曰無禮馬融云申生不自明而死夷吾改

葬之章父之過故曰無禮杜不為註當以鬼神之意

難得而知夷吾無禮或非一事不可指言故不說也余得請於帝矣請罰夷

吾將以晉畀秦秦將祀余對曰臣聞之神不歆非類

民不祀非族神不至非族。正義曰傳稱非我族

子孫妄祀他人父祖則鬼神不歆享之耳祭法云聖

王之制祭祀也法施於民則祀之以死勤事則祀之

以勞定國則祀之能禦大菑則祀之能捍大患則祀

之若農棄為稷后土為社社稷功被天下乃令率土

報功如此之徒非獨歆已之族若功不被于下民名

不載於祀典唯其子孫祀之神亦不歆他族然則秦

者民之與神不相雜擾雖理有大歸非曲為小惠豈  
有一人寃枉即能訴天天受人訴辭便將滅國此事  
本是妖夢假託上天非天實為之人能改易傳言鬼  
神所馮有時而言非言此事實是天心不可執其言  
而以人事為難也君祀無乃殄乎歆饗也殄絕也○界必  
註同歆且民何罪失刑乏祀君其圖之君曰諾吾將  
許金反

復請七日新城西偏將有巫者而見我焉新城曲

沃也將因巫而見○偏匹○七日至我焉○正義曰

日於新城西偏將有巫者而與之○申生謂狐突云更經七

俱見我焉故杜云將因巫而見○見賢遍許之遂不見○狐

突許其言申生之象亦沒○反又如字及期而往告之

曰帝許我罰有罪矣敝於韓○敝敗也韓晉地獨敝



惠公故言罰有罪明不復以晉昇秦夷吾忌克多怨  
終於失國雖改葬加諡申生猶忿傳言鬼神所馮有

時而信○馮皮○敝敗至而信○正義曰晉語云

徹於外國人誦之曰貞之不報孰是人斯而有是臭

也貞為不聽信為不誠不更厥正天命其傾倚兮違

今心之哀兮歲之二七其靡有徵兮郭偃曰甚哉善

之難也若改葬共君以為榮也而惡滋章十四年君

之家祀其替乎亦平鄭之如秦也言於秦伯曰呂甥

是申生猶忿之事卻稱冀芮實為不從若重問以召之○三子晉大夫

不從不與秦賂問聘問之幣○稱尺證○三子至  
義曰曲禮云凡以弓劍苞苴篚筥問人者鄭玄云問  
猶遺也重問謂多以財貨遺之也下云幣重而言甘

故云問聘臣出晉君君納重耳蔑不濟矣傳蔑無也

○冬秦伯使冷至報問且召三子傳冷至秦大夫

力丁卻芮曰幣重而言甘誘我也遂殺平鄭祁舉傳

祁舉晉大夫及七輿大夫傳侯伯七命副車七乘

繩證傳七輿大夫○正義曰周禮大行人云侯伯七

反命貳車七乘貳即副也每車一大夫主之謂

之七輿大夫服虔云上軍之輿帥七人屬申生者襄

二十三年下軍輿帥七人往前申生將上軍今七輿

大夫為申生報怨樂盈將下軍故左行芙蓉右行賈

七輿大夫與樂氏炫謂服言是華叔堅騅欽纍虎特宮山祁皆里平之黨也傳七子

七輿大夫傳行戶剛反下同芙蓉恭騅音佳欽音市

專反纍力追反祁巨之反字林上尸反

平豹奔秦傳平豹平鄭之子言於秦伯曰晉侯背大

主而忌小怨民弗與也伐之必出傳大主秦也小怨

里平傳音背公曰失眾焉能殺傳謂殺里平之黨傳焉

反違禍誰能出君傳謂豹辟禍也為明年晉殺平鄭


傳

經十有一年春晉殺其大夫平鄭父傳以私怨謀亂國

書名罪之書春從告

夏公及夫人姜氏會齊侯于陽穀傳無傳婦人送迎不

出門見兄弟不踰闕與公俱會齊侯非禮傳闕音域





音況  
域反

秋八月大雩

**註**無傳過時故書

冬楚人伐黃

傳十一年春晉侯使以平鄭之亂來告

**註**釋經書在

今年○天王使召武公內史過賜晉侯命

**註**天王周

襄王召武公周卿士內史過周大夫諸侯即位天子

賜之命圭為瑞○過古禾反受玉惰過歸告王曰晉侯其

無後乎王賜之命而惰於受瑞先自棄也已而何繼

之有禮國之幹也敬禮之與也不敬則禮不行禮不

行則上下昏何以長世

**註**為惠公不終張本

直良反又○天王至長世○正義曰召武公亦各過

丁丈反○周語云襄王使召公過及內史過賜晉

惠公命晉侯執玉卑拜不稽首內史過歸以告王曰

晉不亡其君必無後不敬王命棄其禮也執玉卑替

其質也拜不稽首無其王也替質無鎮無王無人晉

侯無王人亦將無之欲替其鎮人亦將替之其言多

而小異孔暈云左丘明集其典雅令辭與經相發明

者以為春秋傳其高論善言別為國語凡左傳國語  
有事同而辭異者以其詳於左傳而  
**夏揚拒泉臯**  
畧於國語詳於國語而畧於左傳

伊雒之戎

**註**伊雒之戎○正義曰釋例曰諸雜戎居  
伊水雒水之間者河南雒陽縣西南有

戎城伊水出上雒盧氏縣熊耳山東北至河南雒陽

縣入雒雒水出上雒縣豕領山東北經弘農至河南

鞏縣同伐京師入王城焚東門  
**註**揚拒泉臯皆戎邑  
入河

及諸雜戎居伊水雒水之間者今伊闕北有泉亭拒俱于反臯古乃反王子帶召之也王子帶甘昭公也召戎

欲因以篡位秦晉伐戎以救周秋晉侯平戎于王為二十四年天王出居鄭傳

黃人不歸楚貢冬楚

人伐黃黃人恃齊故

經十有二年春王三月庚午日有食之無傳不書朔

官失之

夏楚人滅黃

秋七月

冬十有二月丁丑陳侯杵臼卒無傳遣世子與僖公

同盟甯母及洮杵昌呂反

傳十二年春諸侯城衛楚丘之郛懼狄難也楚丘

衛國都郛郛也為明年春秋侵衛傳乃旦反下同


楚丘至衛傳正義曰衛以二年遷於楚丘諸

侯為之築其城至此為之築其郛公羊傳曰郛者

何郛也不單言衛楚丘者見楚丘未有郛也諸侯不

告魯不與故不書無經而為傳者其言必有所為故

云為狄黃人恃諸侯之睦于齊也不共楚職曰自  
郛及我九百里焉能害我共音恭夏楚滅黃郛  
楚都○王以戎難故討王子帶子帶前年召戎伐



周秋王子帶奔齊○冬齊侯使管夷吾平戎于王使  
隰朋平戎于晉

平和也前年晉救周伐戎故戎與周晉不和王以上卿之禮饗管仲管仲辭曰臣賤有

司也有天子之二守國高在

國子高子天子所命為齊守臣皆上卿也莊二十二年高侯始見經僖二

十八年國歸父乃見傳歸父之父曰懿仲高侯之子

曰莊子不知今當誰世

守手又反註同若節春秋

來承王命何以禮焉

節時也陪臣敢辭

諸侯之臣曰陪臣

陪步王曰舅氏

伯舅之使故曰舅氏

使所

余嘉乃勲應乃懿德謂督不忘往踐乃職無

吏反


逆朕命

功勲美德可謂正而不可忘者不言位而

言職者管仲位卑而執齊政故欲以職尊之

音篤

余嘉至朕命○正義曰余朕皆我也乃女也應當也懿美也督正也言我善女功勲當女美德謂女功德正而不可忘宜受此禮往居女職管仲受下卿之禮無得逆我之命欲令受上卿之禮



管氏之世祀也宜哉

君子至宜哉○正義曰丘明之意假稱君子論管氏應合

世祀也宜哉而遂不世祀子孫絕滅是行善無驗故杜註云傳亦舉其無驗是也

上詩曰愷悌君子神所勞矣

詩大雅愷樂也悌易

也言樂易君子為神所勞來故世祀也管仲之後於齊沒不復見傳亦舉其無驗。○愷本亦作凱開在反。音弟本亦作弟勞力。報反註同樂音洛下同易以鼓。正義曰詩大雅旱。反下同來力代反復扶又反。而和易也世族譜管氏出自周穆王成十一年傳有齊管于奚譜以為雜人則非管仲之子孫也哀十六年傳稱楚曰公殺齊管修杜云管修楚賢大夫故齊管仲之後是管仲之後於齊沒不復見也。

經十有三年春狄侵衛傳在前年春

夏四月葬陳宣公無傳

公會齊侯宋公陳侯衛侯鄭伯許男曹伯于鹹鹹衛

地東郡濮陽縣東南有鹹城。音卜

秋九月大雩無傳書過

冬公子友如齊無傳

傳十三年春齊侯使仲孫湫聘于周且言王子帶不言

前年王子帶奔齊言欲復之事畢不與王言不言

子帶事歸復命曰未可王怒未怠其十年乎不十年

王弗召也○夏會于鹹淮夷病杞故且謀王室也

秋為戎難故諸侯戍周齊仲孫湫致之戍守也致

諸侯戍卒于周為于偽反下註欲為同難乃旦反卒子忽反○冬晉荐饑

**註** 麥禾皆不熟。○荐在薦反。重也。饑音飢。**註** 晉荐饑。○正義曰：釋

饑為荐，李巡曰：穀不成，熟曰饑，連歲不熟曰荐。使乞糴于秦，秦伯謂子桑與

諸乎對曰：重施而報君，將何求？**註** 言不損秦。○糴直

式或反。重施而不報其民，必攜攜而討焉。無衆必敗。

**註** 不義故民離，謂百里與諸乎。**註** 百里，秦大夫對曰：

天災流行，國家代有，救災恤鄰，道也。行道有福。平鄭

之子豹在秦，請伐晉。**註** 欲為父報怨。秦伯曰：其君是

惡其民，何罪？秦於是乎輸粟于晉。自雍及絳，相繼**註**

雍，秦國都，絳，晉國都。○雍於用反。絳，古巷反。命之曰：汎舟之役。

**註** 從渭水運入河汾。○汎，芳劍反。汾，扶云反。**註** 從渭水運入

秦都雍，雍臨渭，晉都絳，絳臨汾。渭水從雍而東，至弘

農華陰縣，入河，從河逆流而北，上至河東汾陰縣，乃

東入汾，逆流東行，而通絳，故杜云：從渭水運入河汾也。

經十有四年春，諸侯城緣陵。**註** 緣陵，杞邑，辟淮夷，遷都

於緣陵。

夏六月，季姬及鄆子遇于防，使鄆子來朝。**註** 季姬，魯女

鄆夫人也。鄆子，本無朝志，為季姬所召而來，故言使

鄆子來朝。鄆國，今琅琊鄆縣。○鄆似綾反。本或作縉。

秋八月辛卯，沙鹿崩。**註** 沙鹿山，名平陽元城縣東，有沙

鹿土山在晉地災害繫於所災所害故不繫國

**註**

鹿至繫國。正義曰公羊傳曰沙鹿者何河上之邑也穀梁傳曰林屬於山為沙鹿山名也服虔云沙山名鹿山足林屬於山曰鹿取穀梁為說也漢書元后傳稱后祖翁孺自東平陵徙魏郡元城委粟里元城建公曰魯春秋沙鹿崩晉史卜之曰陰為陽雄土火相乘故有沙鹿崩崩後六百四十五年宜有聖女與今王翁孺徙正值其地日月當之元城郭東有五鹿之虛即沙鹿地計爾時去聖猶近所言當得其實故以沙鹿為山名依漢書為義也沙鹿實是晉地不言晉沙鹿者凡有災害繫於所災所害之處不繫於所屬之國故不繫晉也釋例曰陳既已滅降為楚縣而書陳災者猶晉之梁山沙鹿崩不書晉也災害繫於所災所害故以所在為名災為陳災成周宣榭火害為梁山沙鹿崩山崩必有所害故所災所害別言之

**狄侵鄭****註**無傳

**冬蔡侯胙卒****註**

無傳未同盟而赴以名。○胙許乙反

傳十四年春諸侯城緣陵而遷杞焉不書其人有闕

**也****註**闕謂器用不具城池未固而去為惠不終也澶

淵之會既而無歸大夫不書而國別稱人今此總曰

諸侯君臣之辭不言城杞杞未遷也。○澶市然反

遷也。○正義曰元年齊師宋師曹師城邢傳稱具邢器用而遷之師無私焉是器用具而城池固故具列

三國之師詳其文以美之也今此總云諸侯城緣陵不言某侯某侯與城邢文與不具書其所城之人為

其有闕也知闕為器用不具城池不固而去為惠不終故總言諸侯以譏之凡諸侯盟會不歷序其人總

言諸侯者皆是譏之辭文十五年諸侯盟于扈傳曰書曰諸侯無能為也十七年諸侯會于扈傳曰書曰

諸侯無功也是其總言諸侯皆譏辭也十六年會于淮傳稱城郟役人病不果城而還亦是為惠不終而而聚會既會之後乃欲城郟而不果本意不城郟無可貶也先儒以為諸侯有過貶而稱人杜據澶淵之會與此傳文知諸侯之貶不至稱人故釋例曰傳滅入例衛侯燬滅邢同姓故名又云穀伯綏鄧侯吾離來朝名賤之也又云不書蔡許之君乘楚車也謂之失位此皆諸侯貶之例例不稱人也諸侯在事傳有明文而經稱人者凡十一條丘明不示其義而諸儒皆據案生意原無所出貶諸侯而去爵稱人是為君臣同文非正等差之謂也又澶淵大夫之會傳曰不書其人按經皆去名稱人至諸侯親城緣陵傳亦曰不書其人而經總稱諸侯此大夫及諸侯經傳所以為別也通按春秋自宣公五年以下百數十年諸侯之咎甚多而皆無貶稱人者益明此蓋當時告命註記之與非仲尼

○鄆季姬來寧公怒止之以鄆子之所以為例故也

不朝也註來寧不書而後年書歸鄆更嫁之文也明公絕鄆昏既來朝而還○還戶關反夏遇于防而使來朝

○秋八月辛卯沙鹿崩晉卜偃曰期年將有大咎幾

亡國註國主山川山崩川竭亡國之徵○期音基咎其九反幾音

祈又註國主至之徵○正義曰成五年傳曰國主音機山川故山崩川竭君為之不舉周語幽王二

年西周三川皆震伯陽父曰咎伊維竭而夏亡河竭而商亡國必依山山川山崩川竭亡國之徵也卜偃明


達災與以山崩為亡國之徵知其將有大咎不言知之

意非末學者所得詳也釋例曰天人之際或與而無感或感而不可知沙鹿崩因謂期年將有大咎梁

山崩則云山有朽壞而自崩此皆聖賢之讜言達者所宜先識是說卜偃

之言非後人所能測

○冬秦饑使乞糴于晉晉人弗



與慶鄭曰背施無親

慶鄭晉大夫

背音佩後皆同施式鼓反註

及下而施毛十五年皆同

幸災不仁貪愛不祥怒鄰不義四德皆

失何以守國虢射曰皮之不存毛將安傅

虢射惠

公舅也皮以喻所許秦城毛以喻糴言既背秦施為

怨以深雖與之糴猶無皮而施毛

音附傳

義曰晉語云秦饑惠公命輸之粟虢射請勿與慶鄭請與之公曰非鄭之所知也遂不與秦侵晉至于韓

公謂慶鄭曰寇深矣奈何慶鄭曰非鄭之所知也君其訊射也公曰舅所病也是虢射為惠公之舅也

慶鄭曰棄信背鄰患孰恤之無信患作失援必斃是

則然矣虢射曰無損於怨而厚於寇不如勿與

言



與秦粟不足解怨適足使秦強慶鄭曰背施幸災民

所棄也近猶讎之況怨敵乎弗聽退曰君其悔是哉



春秋左傳註疏卷第十三終



